



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pastorvm Concionatorvmqve Instrvctiones

Borromeo, Carlo

Coloniae, 1587

VD16 B 6753

Caroli Cardinalis Borromei Vita.

[urn:nbn:de:hbz:466:1-51263](#)

II

CAROLI CARDINA- LIS BORROMEI VITA.

VAE est naturæ humanae peruersitas, vt quæ imitari nos posse diffidimus, falsa putemus, aut debita laude defraudemus. Sic Inuidia Virtutis hostis perpetua iudicium pervertit, & superbia vitiorum omnium mater virtutem obscurare mititur. De illis, qui ex hac corporis custodia egressi sunt, posteritas recte iudicat, res ab illis egregie gestæ tunc commemorantur libenter, quia nemo qui viuit inde vel minimam existimatio-
nis iacturam facere potest. Quis enim cum mortuo contendat? Quis mortuo inuideat? Quis à mor-
tuō villo in genere laudis superari molestè ferat?
Caroli Cardinalis Borromæi vitam, & mores expli-
cans, variarum virtutum exemplar proponam.
Nobilibus viris vera nobilitatis formam indicabo.
Episcopis pastoralibus eius virtutibus stimulus injicietur. Cardinalibus singulis exempla egregia pro-
ponentur. Sanctus Bonaventura Cardinalis in Con-
cilio Lugdunensi à Petro Tarantasio Cardinali O-
stiensi, qui Pontifex Maximus creatus, Innocentius
V. appellatus est, fuit laudatus. Inde nobis relictū exē-
plum est, vt Cardinales illi, qui virtutum specimē re-
liqueunt, ad eorū imitationē excitandam, qui viuunt
& qui consecuti sunt laudentur. Cum egregia no-
bilitate humilitas. Cū contemptu rerum externarū
animi

12 VITA CAROLI BORROM.

animi celsitudo . Cum magna hilaritate castigatio corporis perpetua, Sacrarum literarum studium assiduum. Cum varijs, & maximis negotijs iniunctus animus mira humanitate temperatus . Mortis contemptus cum interiore gaudio . Charitas eximia erga pauperes indicijs declarata plurimis cum vita etiam periculo. Prædicationis studium meditationibus, & precibus assiduis enutritum . Pascendarum animarum excellens quædam ars. Synodorum confiendarum documenta præclara. Quid moramur ? Virtutum omnium specimen nobilibus viris cuiuscunque ætatis, Episcopis, & omnibus, quibus animarum cura est credita, Cardinalibus in primis assert Caroli Cardinalis vita, que sine ullo fuco, sine verborum lenocinijs explicanda est, ut debitus honor totius sanctitatis auctori Deo tribuatur. Ut, qui viuens adhuc fœcundam pernitiem, Inuidiam virtutis præstantia superauerat, pro sit etiam mortuus Ecclesia Dei; aliqui nostrum non habeamus unde ignauiam excusemus nostram, qui tam longe à præstantissimi viri, cuius sermonibus longo tempore frui licuit, virtutibus absimus.

COMITVM Borromeorum familiam, Mediolani in nobilissima illa ciuitate in primis florentem ignorat nemo. Vitaliana quoque gens Patavij pertuta est, & quidem ex utriusq; stirpis genere Caroli nostri maiores originem duxerunt. Est etiam nobilitatis laus quædam, nimirum quod est velut stimulus ad virtutes, & deterret maxime homines, ne in illam infamiam incident, ut à maiorum suorum virtute

virtute degenerare videantur. Pietatis Borromea familiæ præcipua laus fuit, & sincerae religionis, cuius Carolus adhuc puer ita fuit studiosus, ut in conficiendis altâribus pueritia sua tempus ferè totum consumeret, cum interea parentibus, & magistris obediens, & dicto obsequens valde esset. Senilis quædam in eo apparebat prudentia, ita ut eius æquales illum venerarentur. Giberto patre viro forti, & honorato, & matre Margarita ex Medicea familia est genitus, quæ Ioannis Angeli Medicei, qui postea Pius IV. Pontifex Maximus est dictus, & Ioannis Iacobi Marignani Marchionis soror. In ea constans, & virilis animus fuerat, cuius exemplum in omni sua vita Carolus filius, ut strenuus Christi miles in Christiana militia, & egregius gubernator in gubernatione Ecclesiastica se ostendit: *A natura huiusmodi duxerat ingenium, ut minus velle, minus appetere quicquid velle, quicquid appetere sibi in animum induceret: quare sibi omni studio conandum sape dicere consueuerat, ut assuesceret velle, quod laudabile esset, & appetere, quæ sua natura appetenda sunt: sibi enim timendum valde cœsebat, si à recto virtutis tramite deflectere cœpisset, in maximas se prolapsurū calamitates, quā sapientiā adolescētes utinā multi senes imitarentur.* Tunc aliquot annos iuri ciuili, & canonico operâ dedit, charus & equalibus, senibus admirabilis, acceptus omnibus. Vigesimum tertium annum agebat, cum Ioannes Angelus eius auunculus ad Summi Pontificatus fastigium electus est. Cum autem primum Romam venisset, in Sacrum Cardinalium Collegium

Collegium cooptatus, & Mediolanensis Archiepiscopus creatus est. Nemo enim unquam auunculus magis sororis filium quempiam non modo dilexit, sed insolito quodam honore prosecutus est, ut Pius Carolum dileyit, & honoribus varijs affecit. Profecto ita se res habet. Nihil est modestia amabilius, & nihil quidpiam humilitate sublimius explicari potest. Honores plerunque fugientes sequuntur, audiē illos appetentes fugiunt. Hortabantur plurimi Carolum, vt sacerdotia pinguiora peteret, vt rei familiari, & redditibus augendis studeret, qui cū responderet, se satis diuitem futurum, si Deum timeret, & si nosset vti illis, qua sua sponte pro sua benignitate eius auunculus Christi Vicarius illi donauerat. Pius animi moderationem admirabatur, & in dies magis eius in Carolum amor augebatur. Sanctæ Sedis Apostolicæ negotia præcipua, & maxima Carolus tractabat egregia fide, & singulari diligentia. Principum legatos audiebat, negotiorūque omnium summam ad Pontificem sumum bis in die referebat. Neminem ipse unquam decepit, nunquam ullum pollicitationibus, & inaniſſe lactauit. Illa aetate florente in tanta rerum copia, blandientibus, & adulantibus quam plurimis, cū maxime transgredi posset, non est transgressus. In nullam vel minimam incontinentię suspicionem incidit, quia maxime omnium peccati occasiones fugit. Singulas diei horas recte colligere nouit, ita vt omnium virtutum exemplar extiterit, & eius domus seminarium præstantissimum hominum

hominum habitum sit, & nuncupatum. Et aliqua noctis pars in optimarum literarum studijs cum doctis viris, & intimis nonnullis familiaribus ingenio presentibus collocabatur, ut omnino otium incontinentiae, & peccatorum omnium fomes tolleretur. Illa ipsa honesta oblectatione molestiae, quas varia negotia cōiunctas habent, condirentur; nihil temporis diurnis negotijs detrahebat, sed somno, & quieti, quare, et noctes Vaticanas appellari placuit. Et ipse cū Roma apud Cardinalem Nauagerium auunculum meum viuerem eo tempore, cuius memoria in omni vita milii iucunda futura est, in eorum numero, qui optimi Cardinalis familiaritate vtebantur, fueram. Sapienti iuene, Cardinali optimo, & Pontificis sororis filio dignum institutum, sic vitam suam informare, sic tempus diuidere, vt quotidie aliquid discat, vt Inuidiam, quae virtutis, & prosperitatis est inimica, superet, vt omnem maledicendi occasionem adimat. Tractabantur questiones quadam ciuiles aulica quadam & eleganti oratione; in quibus tractandis non minimum studium adhibebatur: acuebatur ingenium, facultatem dicendi unusquisque sibi comparabat. Seriā iocis miscebantur. Ex illis qui in illum locum cōueniebant Cardinales non pauci, plerique etiam Episcopi extiterunt. Et de utilitate capienda ex libris Gentilium Sanctus scribit Basilius, è quibus hec in primis potest capi utilitas, vt laudabili quodam pudore suffundamur, cum nos Christiani à gentilibus aliquo virtutum genere superari animaduertimus. Contemptus rerum humanarum, & diuitiarum,

rum, honorumq; desfficientia quædam, virtutisq; admiranda præconia, robur in primis quoddam animi præclarum in morte contemnenda, quod Stoici in suis libris profitentur, Epictetus in primis aureolo illo suo libello, quod Enchiridion inscribitur, cur nos interdū non moueant? Commotum se dicebat Carolus Cardinalis lectione libelli illius, quæ nominaui; & tū pri-mūm cœpisse despicere, quæ cæteri admirabantur, cā Stoicorum dogmata diligenter cœpit considerare. Tā bonus est Dominus Deus, ut rationibus varijs, nobis etiam minime notis nostris soleat cōsulere commodis. Verūm non solum Stoicorum disciplina, que speciosa quidem est, sed non paucis in rebus à veritatis deflectit tramite: Sed in vera philosophia, quam quicū-que Christiani sumus profitemur, se multiū profecisse ostendit, cūm acerbam & immaturam Federici fratri mortem æquo, & constanti animo tulit. In illo si-ta fuerant omnes spes suscipienda proliis, & nobiliſi-mæ familiæ propagandæ. Ad Federici vnici fratri filios non minimarum opum, multiq; splendoris hæreditas pertinere videbatur. Propinquorum morte aliqui affliguntur, & quodammodo mœrore tabescunt, hic vnici fratri morte æquissimo animo tulit, omniq; mœrore abiecto se ipse colligens fratri immaturam mortem cohortationem ad mortem perpetuā medi-āndam, & ad cœlestē patriam querendā diuinitus fibi factā putauit. Ab eo tempore in Vaticanis noctibus non quæstiones amplius è media philosophia sumptuæ tractabantur, sed sententiæ quædam graues à sacro-sanctis Euangelijs de promptæ copiose & eleganter ex pli-

explicabantur; Illæ in primis, quas Dominus noster Iesus Christus de vera beatitudine sententias plenè grauissimas ore suo proculit. Hanc dicendi exercitationem ad hunc usum instituerat, tanquam vibratillem quandam pugnam, ut Mediolani, deinde ad populum promptior iam atque instructior sermonem haberet. Valebat enim ad comparadam facultatem dicendi, & loquendi quandam fiduciam, mirabiliter exercitatio. Valebat Carolus ingenio, prestabat memoria, non tam naturæ vi, quam rerum ordine, & partitione, & quadam facultate omnia suis locis rectissime disponendi, & hanc quidem à naturæ potius bonitate ingeneratam, quam artificio comparatam, facultatem habebat. Iudicio excellebat, quod nō minime virtutis est indicium. Doctorum hominum consilia in suis scriptoribus admittebat. Videbatur initio eius sermo exanguis, quod minime audientium animos permoueret. Quod naturæ impedimentum, sive difficultatem, aut pronunciandi potius celeritatem longo usu dicendi maxime temperavit, ita ut in Ecclesia Mediolanensi, & in Parochialium visitatione, & sepe loqueretur & expedite, & non minimo cum animarum fructu, acresg, aculeos dicendo relinqueret. Post fratris Federici obitum, elusis quorundam hominum consilijs, qui terrena solum, & carnali prudenteria praediti, nescio quas nuptias ad propagandam familiam somniabant, sacro presbyteratus ordine suscepit quotidie cœpit sacrificium offerre Deo; cum pijs, & doctis hominibus versari frequentius: aliquot horas singulis diebus, quamvis varijs, & magnis oc-

B

cupa-

cipationibus distentus, in optimis libris ponere. Reditus Ecclesiasticos vltro ab auunculo sibi oblatis modestè cœpit recusare, magnas opes cœpit ipse habere suspectas, quippe quæ si attrahentur veluti spinae confodiunt & exulcerant animam. Oeconomum esse Domini nostri Iesu Christi, intellectus dispensatorem multarum opum. Magnam copiam pnt auit cupidatum inopiam. Ab ieiendum fastum. Multis non indigere nos si sapimus. Dum autem maiori gratia, & auctoritate apud auunculum Pontificem valeret, nihil maiore studio, aut diligentia contendebat, quam ut sacrosanctum Concilium Tridentinum seruaretur Praclarissima, & maxime salutaria decreta, quibus Ecclesiastica disciplina potissimum continetur, & spes renouanda veteris dignitatis Ecclesiae in primis nititur, seruari studebat. Nam confirmato à Pio in primo Consistorio post legatorum ad Vrbem redditum Tridentino Concilio, monuit, diligendos esse, qui controuersias, quæ ex eius explicatione oriri possunt, tollerent: institutaque est Congregatio Cardinalium Tridentini Concilij interpretum, in qua ipse semper fuit, quæ viget adhuc, quæ utilitates plurimas Ecclesiae Dei attulit. Et viuente auunculo Pontifice magnis precibus ab eo impetravit, vt sibi liceret Mediolanum ad Prouinciale Concilium celebrandum accedere; quod Concilium, convocatis Prouincie Coëpiscopis, cum aliquos viros optimos in Ecclesiastica disciplina admodum versatos secum adduxisset, mira celeritate confecit, & singulo quoque triennio nouam synodus habuit, edendas etiam omnes curauit, vt suo lo-

eo aperiemus. Ipse, qui paucos ante menses Episcopus Veronæ eram factus; cum Pontificis iussu Tridentum euntem Cardinalem per totam Italiam Apostolicum Legatum, Desenzani ad Benacum conuenisse, & per ea loca Veronensis diœcesis, officij & veteris obseruantiae ergo esse in comitatus, diligentiam pastoris admiratus, & virtutes plurimas, quibus in diem magis proficiebat. tum primum Carolum Cardinalem Archiepiscopum Mediolani Episcopis diuinus stimulum iniectum palam dicere cœpi, & in me ipso sum expertus. Veronam etiam eo tempore accessit cum Tridēto rediret, qua in Ciuitate regias fœminas Ferdinandi Imperatoris filias, quæ Principibus Italiae matrimonio iungendæ erant, Pontificis iussu excepti: illos, qui Giberti optimi Episcopi familiaritate usi fuerant, diligenter interrogauit, qua ratione gregem illum tata sua cum laude pasceret, mirumq; studium pastoralis artis addiscenda præse tulit, tantamque modestiam, aut humilitatem potius ostendit, ut à nemine non vellat discere. Redibat Romam non minimo cum animi dolore, quod sponsam, quam præcipuo amore diligebat relinquere cogebatur, cum de grauiſſimo morbo, quo Pius laborabat nuntium accepisset, citatis equis magna cum celeritate ad auunculum Pontificem rediit, quem cum morti proximum conspexisset, absque ullis lachrymis intrepido animo, vultu etiam hilari auunculum, à quo daternè fuerat dilectus, à quo honoribus plurimis, & opibus fuerat auctus, intuens. Pater sanctissime (inquit) nunc de patria illa cœlesti cogitandum est. In hoc Crucifixo, cui us

imaginem ipsi ostendebat, & osculandam tradiderat
spes nostræ collocanda sunt. Hic vita nostra, hic resur-
rectio nostra. Hic intercessor. Hic hostia pro peccatis
nostris oblata. Hic neminem respuit in se credentem,
illum verum Deum confitentem, & in se suas spes col-
locantem. Dolore peccatorum commissorum, & vera
pœnitentia delectatur Dominus benignus, patiens,
misericors & clemens. Accipiebat ea & ponderabat
moribundus Pontifex, & pio sororis filii obsequio in-
credibiliter recreabatur. Ministravit illi sanctissima
sacramenta: lectionem euangelicam lexit abbat: flexi
genibus orare pro moriente auunculo Pontifice non
desinebat. Aderat Cardinalis Sirletus, doctrina, &
pietate insignis, quem Borromei monitu, & rogatu
Pius Cardinalem paulo ante fecerat. Mortè auunculi
cum constanti animo tulisset Carolus, res maxi-
mas cœpit cogitare. Ad creandum Pontificem in auunculi
locum animum adiecit, qui Concilium Tridentinum
fœliciter à Pio perfectum, seruandum curaret,
qui disciplinam Ecclesiasticam, quæ iam renouari ce-
perat, ad pristinum candorem redigeret. Cūnque si-
ne eius consensu, & illorum quos plurimos Pius auunculus
Cardinales crearat, nemo creari posset Pontifex:
hoc maxime studuit, ut Reip. consuleretur Chri-
stianæ. Et ne mora in creando Pontifice aliquod de-
trimentum Christiano populo afferret, nulla priua-
tarum rerum suarum ratione habita, non enim satis
fauisse Pius Cardinali Alexandrino dicebatur, eundem
Michaëlem Cardinalem Alexandrinum, qui po-
stea Pius V. nominari voluit, creandum Pontificem

cen-

censuit, illiq; fuit, qui suo in Pontificatu non Concilium tantum Tridentinum curauit seruandum, sed decretis quam plurimiis Ecclesiam sanctam Dei instruxit & ornauit. Præcipuum Cardinalis munus est, in creando Pontifice, maximam adhibere diligentia; nulla commodorum suorum ratione habita, cum diligere Pöfificem, quem Christiano populo magis profuturum arbitretur, qui minime omnium ad tantum fastigium aspiret, qui crucem Pöfificatum existimet, qui vita & castimonia, & assiduis precibus, frequentibusque sacrificijs cum Deo, cuius vices Romanus Pöfifex gerit in terris, familiaritatem aliquam, quatenus humana natura patitur, habeat. Contemptis rebus humanis Dei gloriam in primis habeat propositam. Virum hisce moribus, & perpetua, & Angelica quadam castimonia præditum successorem auctulo declarandum existimauit. quo Cardinalis optimi & sacri Collegij sapientissimo iudicio utilitates variae, & maxima ad Ecclesiam Dei redundant. Nam pio V. Pontifice iustitia viguit maxime, Ecclesiastica disciplina renouata est. Virtuti honores magni tributi. Principes Christiani debita veneratione Christi Vicarium prosecuti sunt. Singulari Dei beneficio Victoria illa aduersus Turcas, fœdere icto, consecuta est: quæ non esse insuperabilem Turcam ostendit, si adsit præclararum rerum perficiendarum mater Concordia, quæ nisi consecuta esset, luctuosum esset cogitare, quo in statu Christianorum res essent. Creato Pio V. Pontifice, Mediolanum cogitare cœpit, quia sponsæ diutius desiderium ferre nō poterat. quia

illum, qui seruandum Tridentinum Concilium studuerat, id admodum decere intellexerat, cuius opera quamvis Pius vi magnopere cupiuisset, rogassetq; illum, vt Romæ maneret aliquot menses, vt sibi partē adimeret sollicitudinis in plurimis & maximis negotijs, quibus occupabatur Concilij Tridentini decreto, & plurimis alijs rationibus se excusans, relicto Pontifici sui desiderio Mediolanum profectus est. Abbatiam Cornu, quam dicunt agri Placētini, sane vberē, in manibus Pontificis resignauit, nonnullasq; alii eruditis, & pijs hominibus, quorū opera fuerat usus, auctoritate Pontificis petita cessit. Neque ita multò post Maioris Pœnitentiary munere, quod amplum Romæ, & perhonorificum est, se sponte abdicauit. Mirum fuit, hoc saeculo valde cupidus tot reditus Ecclesiasticos sponte cedere, opes, quas alii querunt, & admirantur, contemnere. In Cardinalatu moderationem Ecclesiasticiam splendori präferre, & opulentia inuidiosam illam copiam, & periculosa dicebat. In beneficijs singulis Ecclesiasticis quāuis simplicia esse dicantur, coniunctam esse curam non minimam cultus Ecclesiastici retinendi, & augendi censebat. Mediolanum profectus colligendorum hominum in sua diœcesi valde anxium, & in illis retinendis, & fouendis ad usum Ecclesiae suæ Mediolanensis, tenacem admodum exitisse iure dixerim. Nam ex Veronensi diœcesi Nicolaum Ormanetum revertere Giberti Episcopi disciplina, qui postea Episcopus Patavinus fuit, & alios nonnullos ad se vocauit. Cum que singulis annis diœcesanas synodos celebrasset, & tertio

tertio quoque anno, ut dictum est, Provinciale Conclu-
lum; Ecclesiam suam sanctissimis institutis ornauit,
& auxit. Collegium societatis Iesu, domum itidem
ex Patrum illorum prescripto Mediolani instituit,
Patrumq; illorum opera, & consilio plurimi in rebus
est vsus. Abbatiam quandam Aronæ, quod castrum
insigne ad nobilissimam Borromeorum familiam per-
tinet, à qua eandem institutam, & dotatam fuisse
verissimile est, & que diu in eadem domo permane-
rat, cuius titulus ipsi commendatus fuerat, auctori-
tate Gregorij Pontificis, consanguineis probantibus
Collegio Iesuitarum vniendā curauit, ut eius pietatis
tota Borromea familia, & illi qui futuri sunt essent
participes. Non querit charitas, quae sua sunt: cōmu-
nem utilitatem spectat, publica cōmoda priuatis cō-
modis anteponit. Et pīs operibus instituēdis Carolus
diligentiam maximam adhibebat. & Clerici regu-
lares, à Ioāne Petro Archiepiscopo Theatino instituti
qui postea Paulus IIII. Pontifex fuit, Mediolanum
vocati, homines innocentissimi, & in omni Ecclesia
cultu, & decore domus Dei diligentissimi. In partiē-
dis autem Ecclesiasticis muneribus mirum fuit, quā-
tum iudicium, quantāque diligentiam adhibebat,
ita ut quām plurimorum hominum opera eodem
tempore vteretur, tantāque modestia, tantāque
cum animi tranquillitate onera impartiri consueue-
rat, vt se beatum putaret is, cui aliquid ipse impera-
ret. Iubere enim Spiritum Sanctum unusquisque sibi
persuadebat, quae Curolis facienda familiaribus,
& amicis suis proponebat: cuius rei ipse sum testis.

Nam cùm Mediolanum accessissem, Veronæ Episcopus, vt tanti Archiepiscopi exemplo, eiisque optimis præceptis redirem instructior, indicauit mihi, se cupe-re, vt onus scribendi Rhetoricam Ecclesiasticam suscipere. Tantam prouinciam suscepit, ex isti manus me non ei, sed Deo ipsi parere, quo cum ipse in assidua lectione sacrorum librorum, & frequentibus colloquijs, sacra suis in primis quotidianis versabatur semper. Et quanquam mihi opus difficile admodum videbatur, negare quicquam sancto viro molestum admitti mihi erat. Et opus scripsi breuiore spatio temporum quam vnuquam credidisse, liberè etiam affirmauerim, & in omni vita mea affirmatus sum, excitatorem me habuisse neminem acriorem, qui vehementiores mihi stimulos adiiceret ad labores omnes perferendos, & ad disciplinam Ecclesiasticam capessendam. Verè illud de eo dici poterat, Super senes intellexit, quia mandata tua quesuit. Seniores enim nos Episcopi ab illo præcepta accipiebamus, eius monita non sequi turpe iudicabamus. Et ipse monendum nuns non intermittebat, sed tantam in mouendo modestiā, & humilitatem adhibere consueuerat, vt interrogationibus quibusdam adhibitis, quasi Episcopos in consilium accenseret, salutaria consilia ad lucrandas animas Christo proponeret. Nemo Cardinalis maiore in honore habuit Episcopos, quam Borromeus. Nulla schola nostra & patrum etate tam celebris fuit, quam Borromei domus. Nemo alacrius hospites excipiebat. Nemo plura benevolentia, charitatis potius inditiae singularis dabat. Ipsi arcana cordis libere quisquis poterat crede-

credere. Ab illo deceptus fuit nemo. Lingua maxime
omnium custodiunt suam, ut ne verbo quidem quenquam vnu-
quam falleret. Et maxime omnium dicendi exercitacione
delectatus est. Et ad populum habuit sermones multos,
& crebros, ad illamque dicendi exercitacionem, ad pater-
nosque sermones ad populos habebat, Episcopos, qui ad
illum accedebant, hortabatur. Lacte matris nutritur
felicius filij, quam lacte nutricis, quam illa sit robu-
stior. Et in paternis sermonibus inest admirabilis qua-
dam vis, qua commouentur populi ad virtutes amara-
das, & ad vita fugienda. Prædicandi studio deditos,
& incredibiliter delectatos, pro Pastorali eorum mu-
nere obeundo sanctissimos Patres legimus; & qui ali-
ter sentiunt, & prius hominem, optimumque Pastorem
interdum non laudarunt, quia prædicandi studio ma-
xime delectaretur, parum pie fecerunt, & Spiritui
sancto, qui in Concilio Tridentino illa verba inseruit,
Principium esse munus Episcopi, populum docere, vici
sunt restitisse: inertes quodammodo Pastores adul-
terina illa sua prudentia efficiebant, illosque liberali,
& maxima voluptate priuabant; quanquam enim
Catholici populi multos pedagogos habeant religio-
sos viros doctrina varia, & facundia etiam instru-
ctos, non multi sunt tamen (ut Apostolicis verbis vt a-
mari) Christiani populi Patres. Unus est omnium Pa-
ter Romanus Pontifex, eiusque in sollicitudinis par-
tem dati Episcopi. Et ut nemo filius in Patre requirit
eloquentiam, illumque damnat, quod minus ornata
illum moneat; sic paternos, & pastorales sermones
nullus populus non libenter accipit, si paterna illa vo-

ces, quæ proferuntur, operibus etiam comprobentur. Sed profectò varios, & reconditos è Prophetis, & ex libris sacris excerptos locos, quos Borromeus tractare consueuerat, & eruditè etiam homines nō probare non potuerunt, & Pastoris industriam, & assiduum quod adhibebat studium in perlegendis sacris libris, non poterant non valde laudare. Instituerat optimus temporis dispēsator, inertiae inimicus acerrimus, & rerum laudabilium perpetuus excogitator, ut singulis diebus in oratorio, quod ædificandū curuerat in ædibus Episcopalibus, postquam cœnatum effet litaniæ dicerentur, deinde sermones aliquot fieret aut explicaretur pars aliqua Euangeli, aut sententiæ ex sancti Pauli Apostoli epistolis sumpta copiose exponeretur, ipse omnium postremus dicere aliquid sape consueuerat. quod in oratorium conuenire soliti erat non familiares tantum Cardinalis, sed pijs omnes, qui pijs sermonibus delectabantur. Et illo in oratorio epistolas, quæ præscripto sanctæ Matris Ecclesie singularis diebus Dominicis, & diebus festis recitantur explicauit. Sic pastorales labores sacrarum literarum studio, & prædicatione verbi Dei condiebat. Lectione sacra orationem alebat, qua sic cum Deo iungebatur, vt Angelicam indueret naturam. Et ieunius, & varijs corporis castigationibus tyrannidem corporis comprimebat, serum potius corpus efficerat, ita vt interdiu pijs exercitationibus deditus, synodos celebrans, parochias Mediolani, aut in latissima illa diœcesi visitans, ac si esset incorporeus: quadraginta etiam horas sine cibo varia, & magna negotiis

negotia tractabat, nec alicui interea corporis necessitati vacabat: quo tempore non deerant, qui illū reprehenderent: reprobationes autem ipse hilari vultu excipiebat, & subridens dicere consueverat. Vnius horae in extremo iudicij die reddēdam esse rationem pastoribus Ecclesiarum multò diligentiores, quām illis quibus nulla cura animarum commissa est, vnius diei: postulari ab Episcopis, & à Parochis, qui aliqua ratione, & ipsi Episcopi nuncupari possunt, vt plura hora vna ad Dei gloriam, & ad propagandam verā pietatem verbo & exemplo gerantur, quām die uno ac ceteris hominibus. Quæ verba meo in animo utinam insculpantur, & illorum hominum, qui iu pastorali munere valde formidando versantur. Et exactor temporis egregius, & vir desideriorum sanctorum, & documentorum plurimorum ad disciplinam Ecclesiasticam augēdam perpetuus inuentor erat Carolus Cardinalis, qui cum maxime gauderet fieri discipulus; ab omnibus enim religiosis viris, hominibus etiam Ecclesiasticis interrogationibus varijs quotidie fieri doctior & in arte pascendarum animarum fieri instructior studebat; docebat tamen ipse magis omnes Episcopos & omnes clericos perpetua vultus serenitate, admirandaq; quadam equanimitate, custodia oris perpetua, vt ne verbum quidem otiosum proferre soleret. docebat sic humilitatem, modestiam: pallore quodā vultus venerādo ad continentiam ac sobrietatem omnes excitabat. Et excelsi animi, & præstantis cuiusdam fortitudinis specimen dedit in tuēda iurisdictione Ecclesiastica, cùm causas, quæ ad ipsum pertinerent,

docto-

doctorum, & piarum virorum consilio cognoscere omnino statuerit. Et potentium minas non extimuit, quin potius pro dignitate Ecclesiastica tuenda, illos anathemate non deterruit solum, sed perculit, ut disserent (quemadmodum dicebat) parere Ecclesia, & ministris Dei debitum honorem adhibere. Et fuerunt eo tempore, qui sanctissimi hominis humana omnia contemnentis, non solum illam animi constantiam non laudarent, sed eius consilium valde improbarent, quod nimis vellet quod velle videretur: quod Regem potentissimum, tot regnum Dominum, Catholica fidei defensorem acerrimum, in usitat a hoc seculo seueritate irritaret. Et Pium V. Pontificem Maximum Philippum eximio amore, honoribus etiam magnis prosequentem, huiusmodi anathematibus in Regis Catholicis ministros, & in Mediolanensem senatum aliquaratione turbarit. Sed gloriam unam Dei ante oculos habebat propositam, & nihil quicquam magnum sine Pij V. Pontificis, & Gregorij XIII. quos magna veneratione prosequebatur, consilio, agressus unquam est facere. Sanctorum exemplis mirum in modum delectabatur. Eorum res praeclarè gestas imitari studebat maxime. Thomæ Cantuariensis, & Ambrosij admirabilem constantiam in defendenda Ecclesiastica iurisdictione imitatus, variis multorum voces, quibus interdum vir optimus lacerabatur, non audiebat. beatum potius se putabat cum malediceret illi homines, cum illum inexorabilem, & parum cautum, rebus suis, suorumque commodis minime consulentem, nominarent. Ad illum accesserunt consanguinei

guinei in eadem, qua ipse natus Borromeorum familiā, rogauerunt Cardinalem per illum ipsum Deum, qui eorum familiā diuitijs, & splendoris titulis ornauit, ne ad iracundiam insolita sua seueritate Philippum Regem, in cuius potestate Mediolanēses sunt, prouocet. Secundum Deum, respondit: Philippo se debere omnia: illum catholicum, & de Christiana Repub. optime meritum Regem agnoscere, & debitissimis honoribus prosequi. Scire Philippum minime probare quae nonnulli eius nomine tanta diligentia curant. Regis Regum Christi iussa in animo impressa habere. A Deo ipsi commissum esse animarum curam. In partem sollicitudinis Ecclesiae sponsæ suæ à Iesu Christo per eius Vicarium Romanum Pontificem esse vocatum. Muntris sui obliuisci non posse: illos qui pro Rege Philippo Mediolani imperant præsidia, Aronam mitterent, facerent quod sibi magis placeret, se velle magis parere Deo, quam hominibus. His verbis, & alijs magna cum animi lenitate consanguineos suos in officio continebat, ita ut nec illi contradicere amplius auderent, & hæc animi magnitudo, & rerum externarum contemptus magnam ipsi angebant autoritatem; peruersumque morem huius seculi mirum in modum damnabat, qui increbuit, ut Pastores non nulli turpiter adulentur Regibus & Principibus, neque ad Dei prescriptum, sed ad hominum gratiam se accommodent non minimo cum piorum hominum dolore. Et eandem animi fortitudinem præ se tulerat Cardinalis, cum pro iure suo tuendo Canonicos Scalenses visitandos, inuitos etiam statuerit: quo in munere

TRA

tractando, periculo etiā mortis se exposuisse visus.
Vitam hanc plenam æruminis, varijs périculis expos-
tam. Lachrymabile exilium, molestam peregrinato-
rem cur tanti faceret vir sapiēs? cur tantopere am-
mus mortales: ministri in primis Dei Episcopi, vir-
tua extirpare negligamus: indulgētes simus, vt nos
indulgentia, quæ disciplina nouerca est, gregem Chr-
isti perdamus? Et inciderat (vt dixi) in dies magis
admirabilem animi constantiam, & mortis conter-
tum Cardinalis Amplissimus in plurimorum male-
centias, res Ecclesiasticas carnalis prudentia regu-
diffinientium. Sed profecto nō bona magistra est mo-
talium multitudo; & illi qui prudentiores habent,
& fallunt, & falluntur sapissime. Studium visitandi
parochiales Ecclesias crescebat in dies magis: pluri-
marum virtutum Cardinalis exempla dabat apud
di occasionem quanta maxima poterat diligenter
giebat ipse, & adimebat ceteris. Sic chorum inservi-
erat, vt nihil oculis omnium illustrius conspici posset.
Divina officia, Horæ canonicae, tanta cum diligentia
persoluebantur, vt nihil accuratiū institui, aut obser-
uari potuerit, & sapienter vt omnia. Nam Propheta
illud animo volutabat. Maledictus qui opus Dei facit
negligenter: cum tanta sit Dei bonitas, vt nos miseri-
exules, rebelles potius, qui eius perennem hostem Sa-
thanam, perniciosa nobis consilia suggestentem, sequi-
mur: si male actæ vitæ nos pœnitentia, ad colloquium
admittat, quanta est stultitia recusare colloquia cum
Deo, à quo bona omnia proficiscuntur, non orare, cor-
dis euagationibus, peccatis varijs contaminari, prece-
in mut-

inutiliter fundere, rebus omnibus egentes, mendicos auxilium à Deo cœli, & terra & Domino non implorare aut si aliquid consuetudine quadam coacti, & pudore suffusi, consueuimus petere, tanquam aliud agētes, oscitantes potius, quod non minimæ imprudētia indicium est petere. Et in struenda Ecclesiastica disciplina laudabilem quandam seueritatem adhibuit, vt de ea interdum aliqui canonici queri consueuerit; integrum enim dies festi in concionibus audiendis, in processiōnibus varijs in Ecclesia consumebantur. Nihil apparatus Ecclesiastico ornatus, aut magnificentius. In concionatoribus deligidis mirū studium adhibebat. Ipse concionatoris munere paterno quodam dicendi genere fungebatur, & interdum bis in die sermonem habebat. Nimiam illam diligentiam aliqui nominabant. At in Carolo Archiepiscopo, vt variæ, & præstātes virtutes fuerunt, ita hæc in primis præstítit, quod curiosorum hominum, ne dicam vanorum, qui aulicis immerito nuncupari solent, voculas contempſit. Non quid plurimi de se dicerent, sed quid ab ipso faciendum esset, vt diuinæ legi obtemperaret, studebat. Et bacchanalibus diebus præclarissimam inuenierat rationem, qua populus desineret insanire. Nam diebus festis hymni in Ecclesia canebantur. Musica tota plebs recreabatur, cunctis quibusdam sermonibus breuibus, iaculatoria quadam oratione mentes in cœlum ergebantur. Sanctissimum Eucharistia sacramentum ministrabat ipse frequentius, et tempore illud etiam per totam Ecclesiam manibus suis portare consueuerat, ita vt tunc maxime aduer-

aduersus Sathanam eo tempore pugnaretur. Huiusmodi erant sancti Chrysostomi, & veterum Episcoporum p̄ij, & laudabiles conatus. Nam, ut est militia tota vita hominis, ita praestantior, & illustrior est militia, vita Episcopi, cum singulis momentis ipsi pugnandum sit aduersus Sathanam. Mundum, & carnem, sectatoresque Sathanæ, filios huius saeculi, & pruditia carnis abundantes, quorum infinitus est numerus. Quam pugnam, ut strenuus Christi miles, imbat Carolus, atque in pugna semper apparebat alacrior. In gravioribus negotijs piorum hominum consilium adhibebat. Congregationes non paucas prudentum, & religiosorum hominum instituerat, quorum iudicio nobilissimam illam Ecclesiam gubernabat, & Mediolanensis populi commodis consulebat, iunctum omnium generum miseris hominibus succurrerat, peracta exterminari conaretur, occasiones etiam peccata auferret. Verum cum nulla possit excogitarum miseria, quam Christianæ disciplina ignoratio, scholas quam plurimas, quibus separatum pueri à pueris in Christianæ doctrinæ rudimentis informarentur, instituit, quas ipse frequentare consueverat: in quibus sepe paternos sermones habebat. Centum & viginti scholas puerorum circiter, itidem centum puellarum diebus festis frequentabantur. Quidam è plebe p̄i homines, eleganti, & pia metaphorâ sumpta ab Apostolis, pescatores nominabantur, qui pueros ad sanctam & salutarem illam disciplinam quodammodo impellerent, & varijs saeculi, & iuuenilis etatis fluctibus agitatos, spirituali punctione caperent, & ad salutis por-

tum

tum redigere conarentur. Et pīj homines quām pluri-
mi, aliqui liberali mercatur & dediti, nonnulli etiam
nobili genere orti, nobilissimam artem instituendi pue-
ros in Christiana doctrina diebus festis exercebant.
Singulis scholis praefectos constituebat: fāminas etiam
pietate praestantes, matronas nobilissimas ad rudi-
menta Christiana docenda ex eius prescripto pīj li-
bellis excitare nō desinebat, tantisque ordo in re tam
praeclara, & tam salutari est adhibitus, ut Spiritus
Sancto magistro Mediolani singulis diebus in Chri-
stiana pietate proficeretur magis, vocesque Angelico
diuinis laudes concinntes diebus festis totam exhibi-
lararent urbem. Et ipse Caroli Archiepiscopi visendi
causa Mediolanum quinques accesseram, multo ma-
gis ut ad Veronensem gregem pascendum redirem
instructior: cum eodem Cardinali in illis scholis fue-
ram. Et nullum diem, horam potius nullam prater-
mittebat Carolus, quin de Dei gloria, & de Eccle-
siastica disciplina excolenda, cogitaret. Seminarium
centum & viginti amplius puerorū instituerat: aedes
commodas admodum, & honorificas aedificandas illi
curauerat; progressus indies maiores in literis, & in
Ecclesiasticis moribus siebant. Visitabat ipse sape cle-
ricos paterna quadam charitate illos complecteba-
tur, nominatim ad omnes labores perferendos pro
bonore Dei illos excitabat, filios sape appellans. Et
dum ipse prandebat, religiosos viros imitatus, qui in
vnum coacti, corpus suum consueuerunt reficere cibo
modico, singulis diebus festis seminarij sui clericos a-
liquam sacrosancti Euangeli partem explicantes, &

C ex

34 VITA CAROLI BORROM.

ex alto loco concionem habentes audiebat. Iussa etiā, ut interdum Latino vterentur sermone: exercitatio illa dicendi facultatem pariebat, & clericos in munera pastoralis præcipua parte erudiebat. Sic enim Sanctus Spiritus (ut anteā attigimus) in Tridentino Concilio declarauit. Præcipuum munus Episcopi esse, idem parochorum, populos docere. Et non uno Seminario clericorum amplissimo vir Dei cōtentus fuit, sed plura instituit, nam clericos adultos, qui in literis progressus non fecerunt, in unum locum cogendos decreuit, ut gubernandarum animarum artem edisarent, & mediocri Ecclesiasticarum rerum cognitione imbuti, in Ecclesiasticis moribus instituti, ad regidas parochias idonei efficerentur. Ex huiusmodi seminario fructus vberiores ad Mediolanensem administrandam Ecclesiam redundare, quam ex seminario ipso aliquando dicere consueuerat. Et collegium piae, quod Borromeorum nuncupatum erexit, quod magnificis sumptibus edificandum curauit, ut in eo è Mediolanensibus, & Papiensibus ciuibus præclaris optimis disciplinis in Christiana in primis pietate educarentur. Et Heluetii paterna cura prospexit diligentissimus Pastor. Et seminarium itidem ad nationis illius usum erexit. Nobilibus item pueris, parentum indulgentia, illorum itidem qui parentibus essent orbati, commodis prospiceret, mirabolentia construxit, cuius exemplo deinceps alia nobilium puerorum sunt instituta collegia. Et fuit ab eodem Carolo Cardinale Oblatorum Collegium institutum Sacerdotum non paucorum, qui voverent

suo

fuo Archiepiscopo, & eius successoribus se obtemeratos, animarum curam sineulla cunctatione quando Archiepiscopo ita videretur, se accepturos, nullatenitatis parochiae, aut loci difficultatis ratione habita. Ad quod Collegium cum non semel Cardinalis iussu accessisset, & Episcopus, & proxime etiam Cardinalis, disciplina Ecclesiastica, que illo in Collegio maxime floret, & piorum sacerdotum laudabilissimis moribus, & eruditione varia sum incredibiliter delectatus. Ut paucis dicamus: Nulli hominum generi, nulli sexui, nulli aetati, nulli humanae misericordie vir pius Mediolani non consultum esse voluit. Nam & expositis infantibus, & varijs affectis morbis, & mente captis maxima adiumenta comparauit: & virginibus foeminiis ad earum tuendam honestatem prouidit, & illis, que corruptae fuissent, vt in viam possent redire, prospexit; & deuotis foeminiis, quae Capucinæ nominantur, quas in eam Ciuitatem primus introduxit, ad vitam Angelicam (vt ita dicam) traducendam, sanctissimi instituti regulis, omnique religiosa disciplina, optime consuluit. Sodalitates vero piis hortationibus varijs, praceptis itidem salutaribus ita stabiliuit, & auxit, vt Mediolanum schola quedam Spiritus Sancti, & pietatis, omniumque virtutum veluti officina, coelestis patriæ quidam angulus dici potuit. Sic enim interdum diebus festis innumerabiles puerorum, & puellarum voces emittebantur, suauiter canentium, & laudantium Deum, vt Angelorum chori representari viderentur: & eadem diligentia parochialibus Ecclesijs ex-

C a tra

36 VITA CAROLI BORROM.

tra Ciuitatem, & quam plurimis oppidis Mediolanensis diœcesis consulebat. Visitatores sexaginta, & amplius delegit, præmittebat aliquos quod ipse postea esset venturus, populos sermone consolabatur, ministrabat ipse sanctissima Eucharistie sacramentum: sancto etiam Chrismate vngebat: controuersias tollere, & multorum animos pacificare studebat: disciplinam Ecclesiasticam in singulis Ecclesiis excolendam esse iubebat. Dei cultum tum interiorem, tum exteriorem magna diligentia promouebat. Dum hac ageret, & animabus Christo lucrantis admodum esse intentus, iejunij corpus suum castigare non desinebat, assiduis precibus mentem eleuabat, & sanctis cum Deo colloquijs in huius mundi despicientia, qua veris consequitur prudentiam indies magis proficiebat. Et quotidie magis in virtutibus singulis magnos progressus faciebat Carolus Cardinalis Mediolanensis Archiepiscopus. Illum pastorem optimum, sancti Ambrosij imitatorem, nouum potius Ambrosium appellare quamplurimi non desinebant. Nos vicini Episcopi illum admirari, quia custodiebat legem excelsi, quia super nos senes intelligeret, quia mandata Domini maxime omnium quereret: eius exemplo, stimulos potius excitati sepe sumus ad labores omnes perfundendos, & ad artem pascendarum animarum, artem omnium artium, ut recte Nazianzenus, & post eum sanctissimus dicebat Gregorius, perdiscendam atque etiam exercendam. Et quia excellentis virtutis immixta perpetua est inuidia, non desuerunt, qui homini varijs virtutibus ornato, angelicis moribus potius, quam nunquam

nunquam iratus est visus, qui ne verbo quidem quem-
piam vñquam offendit, interdum detraheret, quippe
(ut ipsi dicebant) rebus in minimis interdum nimium
studium collocaret. Abstinentiam virtutem eximiam
& Ecclesiasticae disciplinae custodem nimium coleret;
ita consuevit Sathanæ hipodidascalus mundus, qui
nihil non molitur, vt sanctorum hominum optimas
sententias, & præclaras instituta quantum in se est e-
uertat. At pius vir, cum excellentibus virtutibus suis
miram constantiam addidisset, id est consecutus, vt
varias hominum voculas contemneret, & omnium
inuidiam superaret. Et profecto diuinis quibusdam
indicij, à summa rei prouidentia, qua nec fallitur,
nec fallit vñquam, manantibus creditum est, Caro-
lum fuisse præcipuo quodam amore à Deo dilectum,
& in huius vita periculo certamine diuino auxilio
adiutum. Nam cum pro extirpandis vitijs, & honore
Dei, quem semper ante oculos habuit tuendo: Con-
gregationem Humiliatorum reformandam sibi in a-
nimum induxisset, ad quod munus ab auunculo Pio
IV. ab eius itidem successore Pio V. fuerat delectus,
ex illis nescio qui Præpositi, qui iustissimi hominis
congregationis illius salutem spectantis, paulo ar-
ctiore disciplinam ferre non poterant, in seruum
Dei, in benemeritum de se virum, in Archiepiscopum
& Cardinalem, odio implacabili exarserunt, eumq[ue]
diabolico quodam furore incensi, è medio tollere de-
creuerunt. Vnus igitur inuentus est homo audaciissi-
mus, qui scelus detestabile aggredi nō dubitaret; ita-
que quo tempore ex domesticae disciplina instituto

38 VITA CAROLI BORROM.

Carolus in oratorio cum tota sua familia ad Deum
preces fundebat, parvulo tormento disploso, in quod
globulos plumbeos, aut ferreos complures coniecerat
Carolum ut erat genus flexus, & in oratione defixus,
medio ipso intergo directo percussit. Sed scelerato-
rum hominum machinationes plane Sathanicas euer-
tit Deus, & seruum suum scuto quodam inuisibili
protexit: nam et si maioris globi ictus ille, vsque ad
cutem penetravit, ibique liuoris notam quandam
impressit, que in eius dorso ad miraculi testificatio-
nem, vsque ad vite finem permanxit, nihil tamen
nocuit viro sancto, ac ne sanguinis quidem gutta-
lam elicuit: ipse vero ita immobilis permanxit, ac sim
alieno corpore verberatus esset, silentioque indicto,
ne quis se commoueret, incepsum cum Deo collo-
quium admirabili fidei constantia, & animi forti-
tudine absoluit. Et in sacris templis aedificandis, &
ornandis magnificentia, & in Episcopilibus aedibus
augendis studium, & miram in hospitibus excipien-
dis alacritatem, & liberalitatem, eleemosinarum
copiam, quibus omnium generum inopes iuuabat, si
quis enumeraret, laudationem instituat necesse est;
Tanta & tam magna virtutis exempla dedit Caro-
lus, quae ita patent, ita omnibus cognita, & per-
specta sunt, vt nec mea, nec cuiusquam comemo-
ratione indigeant. Erga sacras sanctorum re-
liquias mirifica quadam religione affectus erat Ca-
rolus Cardinalis, in ijsque ornandis, honesto, de-
centi, illustri loco collocandis, magnopere versa-
batur: itaque multa Sanctorum corpora solemnibus
suppli-

sapplicationibus indictis multo cum splendore, & pietate transstulit, sed profecto crimiam quandam liberalitatem, aut magnificentiam potius cum admirabili pietate coiunxit, cum corpora sanctorum Simpliciani Episcopi, & martyrum Anauniensium Sisini, Martyrii, & Alexandri, illustriorem in locum, in illa ipsa sancti Simpliciani Ecclesia censuit transferenda. Nihil quicquam fuit magnificentius, nihil quod ad alendum Dei cultum, & ad sanctorum reliquiarum, sanctorumque corporum venerationem hac etate magis inflammaret. Interfuerat illi translationi Gabriel Cardinalis Paleotus, qui ad Clericum Mediolanensem occasione synodi dioecesanae, qua celebrabatur grauiissimam, & elegantissimam orationem habuerat. Interfuerant plures Episcopi. Ipse etiam fueram invitatus, sed occupationibus varijs impeditus, tam nobili spectaculo, in quo tota commota est Mediolanensis Ciuitas, praesens esse non potui. Et ut ad quedam præcipua capita Caroli optimi Cardinalis vitam redigam. De eius mortis contemptu, De eius charitate erga morientes, De perpetuo studio sacrarum literarum, De que assiduis eius precibus ad Deum. De admiranda que sobrietate, & castigatione corporis, singillatim dicam; breuiter tamen, quia scio haec etiam ab alijs copiosius esse tractanda, & quia illa tantum mihi narranda esse existimo, quæ mihi notissima sunt, quæ ipse vidi, quæ obseruavi, cum optimi Cardinalis consuetudine fruerer. Nulla de re maiore cū animi sensu loquebatur, quam de morte, peregrinatione, exilio.

40 VITA CAROLI BORROM.

Mortem, peregrinationem & exilium, hanc vitam, quam tantopere mortales exoptant, putabat. Iactans varijs nos fluctibus, innumerabilibus perturbationibus commemorabat, peccandi terminum & optabilem quādam securitatem mortem nominabat. In ea mali nihil inesse. In peccato sitam esse hominum perniciem. Locos, quos sanctus in libello de bono mortis tractabat Ambrosius valde cognitos habebat, tractabat etiam saepe in familiaribus sermonibus. Addebat, turpisimum esse Christianis miseram hanc, & caducam vitam perditè amantibus, superari prudētia, & fortitudine animi à philosophis, præsertim ab Epistolo, à Seneca, & à Cicerone, qui de morte contemnda pulcherrimos libros conscripserunt, & præclarissimas sententias ad abiiciendum omnem mortis timorem in medium attulerunt. Rem minime vstat, & admiratione dignam narro. Dixerat mihi ipse Carolus Cardinalis in familiaribus hilari admodum vultu, sibi nihil quicquam accidere posse in hac vita iucundius, & utilius, quam si hac, & illac negotiorū causa transiens, in cadavera, quæ ad sepulturam deferebantur, incideret. Inde se maximum fructum capere dicebat. Secum enim ipse sic loqui consueuerat. Et me etiam quatuor, aut quinque cubiti terra manent, & ipse in illo loculo deferar. Hic est fabula huius mundi, seu vanitatum omnium, quibus saepe a recto tramite deflectimur, terminus. Multo aliter plerique nostrum, qui mortem horrentes cadavera maxime fugimus, & à meditatione mortis valde abhorremus. Illam enim meditationem mortis, quam philo-

philosophiam philosophi nominarunt: & nos non minime sapientiae Christianae partem dicimus, melan-
cholia nutricem, molliter nimium, ne dicam insipien-
ter, non pauci arbitramur: in quos homines si aliquā
do incidebat Carolus, eos liberè monere solitus erat.
Et erga morientes benevolentiam incredibilem, ad-
mirandam potius charitatem Carolus Cardinalis
præ se tulit. Cum enim ipsi de Coëpiscoporum suorum
agritudine nuntius afferretur, citatis equis ad illos
accurrere consueverat, sermone illos blando, & fra-
terno, ad pœnitentiam inuitans, de eterna vita, de
cœlesti patria: de Iesu Christi filij Dei Saluatoris no-
stri meritis, de preciosissimo eius sanguine, cuius pre-
cio redempti sumus, de salutari pœnitentia, de infini-
ta Dei misericordia locos tractabat tanta cum pie-
tate, ut illorum, qui intererant lachrymas eliceret:
ipse ego etiam intersui, cum piuum hoc officium Ioanni
Delphino Episcopo Brixensi, qui proximis annis ex
hac vita migravit præstaret, & paulo antè quam ex
hac vita excederet Francisco Boſſio viro integerrimo
Nouaria Episcopo idem officium ex præscripto Con-
cilii prouincialis Carolus pie, & fraternè præsttit,
pauloque ipse post in grauissimum morbum incidit,
quem mors consecuta est, hoc est transitus ad beatā,
& eternam vitam. Nec solum paternis, & pijs illis
sermonibus languentes Episcopos, quos visitabat re-
creare solebat, sed cum deficere vires cerneret, ge-
nusflexus pro egris preces fundebat, eorum animas
Deo commendabat, demum eorum exequias, sermo-
ne ad populum habito, celebrabat. Et bac omnia

C 5

MAGNA

42 VITA CAROLI BORROM.

magna temporis celeritate conficiebat. Nec verò Episcopos solum, sed ceteros etiam, & principes viros,
& priuatae conditionis homines & agrotos visitabat, omniq[ue] officio, & pietate maxime necessario tempore adiuuabat: agrotabat aliquando Vercellis Carolus Emmanuel Dux Sabaudiae, adolescens religiosissimus, & Regiae indolis, quem Carolus Cardinalis filij loco diligebat, & graui plane morbo conflictabatur, ne quicquam magis cupiebat, quam seruum Dei videti, quem singulari amore prosequebatur. Accurrit Carolus, manu sua sacro sanctam illi Eucharistiam ministrat, verbis grauius mis, & spirituali dulcedine plenis, & hortatur, & consolatur, ita ut qui aderant lachrymas copiose effunderent, cum interea Dux ipse nusquam ab eo oculos deflecteret: denique Dei benignitate, &, ut ipse Dux interpretabatur, Caroli precibus factum est, ut adolescens summa spes, Princeps nobilissimus conualesceret, & in maximum rerum spem ad Dei gloriam, & Catholicæ religionis conseruationem reseruaretur: si laudationem ipse scriberem, locum hunc de agrotorum visitatione rationibus plurimis exornandum mihi esse intelligerem; sed vitam tantum Amplissimi Cardinalis scribo mores pios, & verè pastorales propono mihi, & Episcopis omnibus, in quos hac mea scriptio fortasse incidet. Et hanc eandem charitatem erga moribundos Mediolanenses filios suos, quos cœlestis Pater eius dei commiserat, dum saeuissimo pestilentia morbo infecti laborarent, quos nunquam mortis metu intermisit visere, quibus semper lue crassante (treceti enim homi-

homines singulis diebus per multos dies sauitia morbi interibant) sacrosanctæ Eucharistia sacramentum ministrabat, & pios viros ad idem munus prestantum hortari non desinebat: calamitoso tempore orandi regulas populo prescripsérat, diuinum auxilium implorabatur, ipse nudis pedibus fune eius collo circumducto orabat. Supplicationes publicæ siebant, longos & graues sermones ad populum tanta calamitate afflictum habebat. Non Mediolanum modò, sed vniuersa Italia, totus terrarum orbis eximiam Pastoris charitatem est admiratus. Tantam virtutem nulla vñquam obscurabit obliuio, de qua, & sermones sunt habiti, & libelli etiam sunt scripti. Insipiens sacerdotum, carnalis & adulterina prudētia, cuius magister est, quomodo imbecillos animos plerunque decipit. Non defuerunt, qui dicent, non debuisse Cardinalem tot se exponere vita periculis: & potuit (Deo iuuante) & debuit, cum nihil possit esse anima vna pretiosius, & ad Pastorem pertineat animarum, animam suam ponere pro oibüs suis, se exponere periculis omnibus, imitari Christum pastorum Principem, & salutem animarum sibi creditarum sua vitæ præferre, ita charitatis ordo postulabat: piam, & verè pastoralem hanc regulam comprobauit Dominus Deus euentu fœlici, cum illum in columnen seruauerit. Et sanè protrahendæ vita desiderium, vitiorum non paucorum, & calamitatum multarum origo est, & stultitia non minimum indicium. Quis enim longa, & periculosa nauigatione, in qua nauis varijs turbibus

sæpe

44 VITA CAROLI BORROM.

sepe iactetur, naufragi plerunque nauigates omnia fastidiunt, delectetur? Quis in exilio ita desipiat, ut de patria non cogitet? In commodo etiam diuerticulo, in quo multi scelesti homines cohabitent, libenter maneat? Plerique mortales sumus huiusmodi, & vitam hanc laboribus, & æruminis plenam, non amantes, non magno studio protrahere procurantes, tatum abest ut laudemus, ut irrideamus potius. Et reprehensiones hominum, perniciosa prudentia omnia metentium, & res fluxas, & caducas admirantium, vitam in primis protrahere studentium non magni faciebat Carolus. Vias non esse vias hominum, falsas esse huiusmodi regulas, mera potius Sathanæ sophismata, dicere consueverat. Quare de morte sepe longos sermones habebat, & graues. De varijs huius vitemiserijs multa in medium afferebat, vt aeternæ patria desiderium mirabiliter excitaret. In sacris libris, in vera sapientia, qui liber librorum, quem Spiritus Sanctus in veteri, & novo Testamento descripsit, assidue versabatur. Et ita orationem cum lectione, Thoman Aquinatem sanctissimorum virorum doctissimum imitatus, coniungebat sex annos antequam ex hac vita migraret, vt nunquam nisi genuflexus sacrosanctum illum librum perlegeret. Et in Prophetis, quos celestes oratores appellauerimus, multum ac diu fuerat versatus. Præcipuos locos ex Salomone excerpserat, & ad usum in quam plurimis sermonibus reuocavæ solebat. Si quis eruditionem variam, & reconditam in Carolo Cardinali Borromeo non animaduertit, aut eius consuetudine non est usus, aut non considerauit,

qua

que ipse in medium afferre consueverat. Nihil extra
rem, Nullum ineptum verbum, Nullum quod cuius-
quam animum posset offendere, annorum multorum
quibus eius consuetudine sum usus fuit, à Carolo
memini esse prolatum. potuisset si voluisset Latine scri-
bere, satis eleganter; promptè enim, & disertè satis
loquebatur Latine; potuisset etiam hac qua utimur
lingua, sed in scribendo aliorum opera libentius uti-
batur; adhibebat tamen semper iudicium, quod tan-
tum in corrigendis scriptio[n]ibus adhibere erat solitus
ut præstantes ingenio, & doctrina viros in admiratio-
nem traheret. Et prouincialia Concilia, & horta-
toria sive pastorales epistolæ, quas ad populum Medio-
lanensem sape scribebat, & sub eius nomine ædeban-
tur, ab ipso accuratissimè emendabantur. Matrem esse
sapientia humilitatem rectè dixerimus, ut sapientissi-
mè indicasse videtur Salomon. Qui enim nihil sibi tri-
buit, & neminem recusat habere magistrum, quam-
uis etiam à natura præclarum non duxisset ingenium
(quod aliter Carolo contigerat, qui excellens ingenium
& iudicium acre à natura habuerat) cùm quotidie
multa addiscat, doctus euadat necesse est, tanta in
primis, quanta Dei beneficio abundamus hac tempe-
state, bonorum libroru[m] supellectile adiutus. Et domus
Caroli, & dum Pius auunculus viueret, & dum Me-
diolani pastorali suo munere fungeretur, fuit schola
pietatis, Ecclesiastica, & sancta quædam Academia,
officium demum virtutum omnium, piorum & doctor-
rum hominum contubernium. Et ordinem, qui est re-
rum veluti anima, & in artibus, & scientijs perdiscen-
dis,

dis, memoriae commendandis artium & scientiarum
præceptis, mirabiliter prodest, mirabilem in studijs
suis adhibuit. Capita rerum, de quibus erat acturus,
pariri consueuerat, & ita distinguere, ut facile illa
memoria mandaret, quam diuidendi methodum
miris laudibus extulit Plato, & eos, qui ita norunt
diuidere, Deo quam simillimos dixit. Innumerabili-
les synopses, siue tabulas, quibus tractationes de
symbolo fidei, de decem præceptis, de sacramentis,
de oratione Dominica, de passione Domini, deque
singulis sacrosanctis mysteriis, ita in omnes solemini-
tates, in omnia etiam Euangelia, que diebus festis
recitantur, in Epistolas S. Pauli confecit; que si vnum
in librum redigantur, & in locos quosdam à Pastro-
ribus tractandos referantur, magnam profecto vir-
litatem Episcopi, & Parochi, & quicunque verbum
Dei prædicare consueuerunt, ex eius industria per-
cipient. Solidam non negamus, doctrinam tradide-
runt Theologi scholastici: in quibus qui non sunt ver-
sati hoc tempore, ne mediocriter quidem docti ha-
beri solent. Et hoc ipsum dicere saepe solebat Carolus,
qui pro sua modestia inter doctos numerari semper
recusauit, nullam se scientiam tenere dicebat,
cum tamen scientiarum omnium principia, & præ-
cipua etiam dogmata Theologie, & moralis etiam
philosophiae optimè teneret, vt nemo de questioni-
bus etiam difficillimis maiore verborum castimonia
loqueretur. Aloysium Granatum plurimi faciebat,
eiisque libros diligentissime legere consueuerat: lo-
cos ex eius concionibus, & opusculis sibi constituerat,
quibus

quibus copiose ex improviso etiam Euangelium, Epistolam, Missæ introitum, aut aliquos psalmorum versiculos posset explicare. Et non solum ex Granata, sed ex sanctis Patribus plurimos locos sibi collegerat. Quo eius labore factum est, vt facillime tres aut quatuor sermones uno die ad populum habere posset, cùm fere nihil repeteret. Synopses quām plurimas, commentarios itidem varios, & multos, è quibus sylua quādam pastor alis in unum volumen redigifacile poterit, testamento reliquit Ioanni Francisco Bonhomino Vercellensi Episcopo, cuius pietate, & industria fiet aliquando, vt ex optimi Cardinalis laboribus ab Ecclesiasticis hominibus fructus percipientur. Et Patri Francisco Adorno præciuos quosdam locos digerendos paulò antè, quām ex hac vita migraret, tradidit. Dederat mihi commentarium quendam, quem de arte meditandi duos annos antè quām moreretur, conscripsit, qui profectò breuitate, & perspicuitate, grauitate etiam sentētiarum dignus est, qui in piorum virorum manibus versetur.

Nihil magis acuit ingenium, nihil ad præstantiam iudicij comparandam magis prodest, quām assidua oratio, vt multi putauerint, admiranda opera, quae sanctus Thomas Aquinas monumentis literarum cōsignauit, oratione potius, quām laboribus, quos pertulisset in euoluendis libris, accepta esse referenda. Et sanctorum Episcoporum, qui Ecclesiam Dei illustrarunt, hic fuit mos, vt cùm assiduis precibus lectionem optimorum librorum coniungerent, quod &

nostro hoc saeculo nemo praestitit diligenter, quam Carolus. Incommodè admodum somnum capere coheruerat, & breuem quidem illum, nimurum quod agnosceret mortis imaginem somnum esse, & quandiu dormiunt homines, mortuos dici aliqua ratione posse, quia nihil homine dignum agunt: ipse vero in diuinarum scripturarum lectione, in oratione, & meditatione, & diutissime versari cupiebat, & noctis tempus ad id maxime accommodatum esse intelligebat, & quidem corpus domesticum inimicum, vigilijs edo mare studebat; eam ob causam sape contingebat, ut dum Carolus concionibus interesset, aut alijs publicis functionibus, somnus illum caperet, quod ne fieret, quamvis maximam diligentiam adhibuerit, cōsequi tamen semper non potuit, vt natura remissionem illa, & quietem efflagante, non sape dormitare cogereatur: erat tamē huiusmodi somnus breuis, & admodum interruptus, ita ut etiam quae dicebantur magna ex parte perciperet: sic, ita disponente Domino Deo, næui quidam in eis, quos præcipuo amore diligit conspicuntur: qua de re præclarè à sancto Gregorio in dialogorum libro scriptum est, magna Dei dispensatione fieri, ut quibus maiora bona tribuit, minoram interdum non praestet, nimurum ne se extollant, sed discant, quia ex semetipsis maiora illa bona non habent, qui parua vitia vincere non possunt.

Et sobrietatem quandam admirabilem praesertit, cum in satis opulenta domo educatus, delicatis etiam cibis assuetus, tantos progressus in præstantissima virtute fecit, ut tres annos antequam ex hac vita migravit,

migravit, pane & aqua s̄ep̄issimè contentus fuerit.
Sane altrix maximarum virtutum est sobrietas, con-
templationis, & orationis sedula nutrix, digna Epis-
copo, digna animarum Pastore, & Christi imitatore
laus. Et fuerunt, qui sanctum Cardinalis propositum
non laudarent: cur ita? quia insano amore nos pleri-
que nostrūm diligentes, corporis tyramidem non ag-
noscimus, nec extimescimus. Nihil nobis magis est
cura, quam ut miserijs, & exrumnis multis plenam
hanc vitam sine vlla vel minima molestia transiga-
mus, planè cæci, & patriæ nostræ cœlestis illius Hie-
rusalem (heu nimium) miserabiliter oblii. Profecto
paucis vel minimis natura contenta est. Et S. Basilius
pane, & aqua contentus fuerat, & innumerabiles
alij Episcopi, quos qui est imitatus, reprehendi mini-
me debuit, laudari potius. Nos vero, qui à tantā vir-
tute procul absamus, sobrietatem eximiam pastoris,
quem vidimus, cuius familiaritate etiam sumus vsi,
non semper recordari non debemus, vt tantæ virtutis
memoria sit nobis veluti stimulus ad orenem luxum
fugiendum, & ad omnes omnium generum cibi, &
potus delicias vitandas: Variorum enim ciborum co-
piam, & usum vini immoderatum, Ecclesiastica
disciplina, & pastoralis artis corruptorem, & inimi-
cum iure nuncupauerimus; parere etiam hanc co-
piam inuidiam, & inertiam alere affirmauerimus.
Quod si quis Episcopalem splendorem, aut Cardina-
litū obiciat, & addat, tenacitatis, ne dicā auaritia
suspitionē vitadū; is sciat Carolo sobrietatis laude hac
atate insigni, rationes varias non defuisse in hospiti-

D bus

bus excipiendis, in pauperibus alendis, in templis adificandis, quibus liberalitatem, magnificetiam etiam suam patefaceret, quanquam nec ipse etiam Carolus dum Roma fuit, cuiquam vñquam obiecit, si moderatione exhibita omnium generum cibis lautis, vi-

no etiam ad sobrietatis regulam vteretur.
Et corpus castigabat, verba illa S. Pauli Apostoli ponderans: Ne cum alijs prædicauerim, ipse reprobis efficiar: quamuis si quis recte consideret, multis rationibus probabilibus illis quidem adduci potuisset, vt quem socium multorum laborum, & præclarissimarum rerum, quas gerebat, nobilissima eius anima habuerat, & nunquam, aut perraro rebelle expertus fuerat, minus dure tractaret: medicorum etiam monita audiens, & valetudini consulens. Sed sancta Dei Ecclesia mira varietate virtutum ornata, hoc indulgetissimo saeculo, tali sobrietatis, & castigationis corporis exemplo fortasse indigebat: huiusmodi stimulo plerique nostrum, vt tanta molliciei, tantarumque deliciarum, quibus diffluimus, & inertes ad res cœlestes contemplandas efficimur, indigebamus. Et visitandos Episcopos, & cathedrales Ecclesias utile admodum Ecclesie Dei censuit, hortatus Iose Pium, & Gregorium Pontifices, vt Visitatores mittentur. Ipse visitandi munus non recusauit. Bergomum, Brixiam, Cremonam, partem etiam regionis Heluetiorum visitauit, magno cum animarum fructu pietatis, diligentia exempla dedit plurima. Inde congregatio Cardinalium, qui Episcoporum causas componere, qui discordias omnes è cleris tollere,

lere, qui Dei cultum interiorem, & exteriorem tueri & propagare mititur, instituta fuit. Frater Franciscus Panigarola, & Pater Achilles Societatis Iesu, mira de illius ieiunijs, & de perpetuis laboribus, deque admiratione, quam Rethi, & Heluetij cœperant sanctitatis huius viri, mihi dixerunt. Fuit etiam de illa visitatione, quam proximo anno fecerat pulcher conscriptus libellus. Et sacris peregrinationibus vir Dei delectabatur, & ad sanctum linteum venerandum, quo Saluatoris nostri mortui corpus inuolutum est, Taurinum non semel, pedibus etiam aliquando iter agens, profectus est. Sed & illa sancta itinera, & extremum illud, quod vir Dei Carolus morti proximus susceperebat, ut sacro-sancta Dei mysteria in monte Varallo meditaretur, & sanctas meditationes, quibus antequam ex hoc misero saeculo migraret, cum Angelis versari incœperat, non defuerunt qui memoria commendarent, & narrarent pijs quibusdam epistolis, & libellis. Et cum forti, & constanti animo, febri etiam correptus, mortem minime extimescens, pijs operibus intentus, de salute animarum sollicitus pastorali usque ad ultimam horam munere fungeretur; Sanctum Missæ sacrificium celebrans, canonicas horas recitans, lytania cantans, familiares suos, nautas etiam, à quibus quibusdam in lembis vehebatur, in Christianæ pietatis rudimentis, languente etiam corpore instituens. Et Mediolanum cum calendis Novembbris rediisset ferè semiuiuus, antequam medicum ad se admitteret, genuflexus forti animo

D 2 in

in oratorio cum familiaribus suis longam orationem habuit. Cumque in lecto decubuisse, ut medicis, qui illum versari in non minimo vita periculo affirmabat obediret, eundem lectum ornandum iussit imaginibus sacris, in quibus Christi mysteria fuerant depicta, memoria in primis sacri sepulchri Domini nostri Iesu Christi. In ea cogitatione attentissime desixus, cum Ecclesiasticis sacramentis pie susceptis, ad extremum illud certamen se optimè armasset, placide in Domino obdormiuit.

Narrem, quae optimi Pastoris, & Cardinalis amplissimi mortem sunt consecuta? longissima futura esset scriptio. Commemorabo quedam, quae ad honorem Dei maxime pertinent, & ad excitandos eos, in quorum manus libellus hic noster perueniet, adversas virtutes. Haec audiebantur voces: Recens hic Ambrosius in cælum vocatus est, Non eramus nos digni pastore tanto, Solatio maximo destituti sumus. Ea quae de Athanasio scripta sunt, in hunc virum conueniunt, ut quamvis quam plurimos annos post Beatum Marcum Alexandriæ in Episcopatu successerit, si virtutes considerentur, illi proximè successisse, quempiam iudicare posse. Ita quamvis Carolus mille annos post annos in Ecclesia Mediolanensi Ambroso successerit, proximè tamen successisse, si imitationis ratio habeatur, quispiam dixerit. Nam Ambrosius nobilibus ortus parentibus, parentum nobilitatem, Christiana contentus, non magnificet: Ita Carolus Friderici fratris mortem modestissime tulit: sic Carolus liberalibus artibus instructus, & sa-

eris literis deditus , docendi studio incredibiliter est
delectatus: eodem studio sacrarum literarum inflam-
matus Borromeus , cuius vitam scribimus . Mille insi-
die à Iustina , & ab alijs scelestis hominibus illi stru-
cta , sauentium in sanctum virum miserabiles exi-
tus; Eadem Carolo contigerunt , qui ferreis globulis
inieictis lœdi minime potuit. Eius tempore hymni , an-
tiphone & cani cœpti sunt: Borromei tempore , saeiente
etiam pestilentia , diuersarum vocum concentus per
totum Mediolanum audiebantur. Potentes viros Ec-
clesiasticae discipline tuenda causa excommunicauit;
Idem non extimuit facere Carolus . Sanctorum Ger-
uasij , & Protasij corpora transtulit: Hic Simpliciani ,
Sisinij , & aliorum . In maxima sanctitatis opinione
apud exterios fuit: In magna etiam Borromeus . Plu-
rima Regum ad Ambrosum litteræ: Multæ etiam ad
Carolum Hispaniæ , Galliæ , & Poloniæ Regum . Ete-
nim ne hoc silentio prætereamus , Carolum Emanuel
Philibertus Dux Sabaudiaæ Clarissimus tanti fecit ,
vt filio parentis loco esse voluerit. Illum Henricus Gal-
lia Rex Christianissimus , cum in Galliam rediret , ad
se adeuntem humanissimè exceptit , eiusq; saluberrimi
sermonibus magnopere est delectatus. Illum Phi-
lippus Rex Catholicus summo in honore habuit . Il-
lius virtutes Stephanus Rex Poloniæ ita est admirata-
tus , vt cum Andream fratris filium adolescentē mag-
nis animi , & corporis ornamentis præditum , qui nunc
Cardinalis est , Romam mitteret , Mediolanum prius
duertere iussit , vt Caroli disciplina , & paternis
cohortationibus instructior Romam iret. Et hunc qui

dem adolescentem præstanti ingenio , & religione Carolus mirificè dilexit, eumque vicissim Andreas, vt parentem obseruauit, nec alio , quām patris nomine postea appellauit . Sed vt ad institutam comparationem redeamus . Ieiunia Ambrosij crebra , & vigiliae : plurimis Carolus ieiunij s deditus ; Orandi assiduitas ; & Carolus singulis diebus orationem cum lectione sacrorum librorum coniungebat . Sollicitudo itidem omnium Ecclesiarum : sollicitus maxime de parochijs , quæ in latissima eius diœcesi sunt . Amor admirabilis erga pauperes ; & elemosynas Borromeus libenter distribuit . Alienam prædiorum eorum causa ; & hic vendidit suppellecstilem omnem , vestes etiam suas pestilentia tempore , vt succurreret pauperibus . Paupertatis in dem studium : Et Carolus dum in suo cubiculo oraret , aut sacra lectioni incumberet , vnica ueste contentus , & ea quidem vilissima , hyeme , & aestate vtebatur . Idem Ambrosius peccata aliorum acerbissime flere consueuerat : & hic gregis sui peccata lugere non desinebat , luxum maxime . Dignitatis Ecclesiastice studiosus , clericos à laicis in choro distinxit ; & auctoritatem Ecclesiasticam defendit Carolus . Mortem suam prædixit ; Eucharistiam paulo antè quām è vita decederet suscepit . Dum ad sepulturam deferebatur dæmoniacorum clamores plurimi auditi : eiusdem corpus omnes tangebant , omnium ordinum homines ad sepulchrum ipsum deducebant ; & haec omnia Carolo diuino beneficio contigerunt . Virtutes , quæ in Ambrosio fuerant

(vt

(vt uno verbo dicam) in Carolo Borromeo mille amplius post annos, renouasse Dominum Deum, qui hac nostram scriptiōnem legerit, & qui libellos varios, qui de ipso conscripti sunt, euoluerint, facilius intelligent. Mirabilis est Dominus in sanctis suis, Mirabilia sunt opera eius, prædicanda dona eius.

Imitator hic egregius Ambrosij, qui nouus Ambrosius nominatus est, Carolus testamento suppellectilem suam, & non magnam pecunia summam, quæ in œconomi manus eo tempore fuerat, pauperibus Mediolani, qui in magno illo hospitali pie sustentantur, reliquit, nulla consanguineorum suorum ratione, aut mentione habita, quandoquidem illos diuites valde, opulentos potius esse optimè nosceret. Pauperibus, hoc est, Christo, cuius membra sunt pauperes, à quo maximis thesauris fuerat ditatus, cui animam suam dicauerat, suppellectilem suam omniāque, quæ sibi reliqua erant restituenda censuit, & sapienter ut omnia. Ut mercaturam laudabilissimam, quam sanctus celebrat Chrysostomus, in sua vita exitu exerceret: Mercaturam sanctus ille vir appellat eleemosynam, quam sanctus Spiritus interdum sanctam fœnerationem nominauit, cum scriptum sit, Qui miseretur pauperi, fœneratur Deo.

Et vir optimus, & amicitia cultor egregius, qui me in amicorum suorum numero pro sua humanitate ante viginti duos annos collocauerat, nescio an me excitauit, an magno honore affecit: dicam vtrunque, & ad pastorales omnes virtutes me inflammauit, &

56 VITA CAROLI BORROM.

maximo me affecit honore, cum imaginē sancti Ambrosij, quem sibi imitandum proposuerat, & ad cuius scripta assidue legenda me saepe fuerat hortatus, mihi testamento reliqui: quo dono, nihil mihi in mea vita incundius futurum est. Erit mihi imago illa pulcherrime depicta stimulus perpetuus ad pastorales, & eximias illas virtutes, quae in sanctissimo viro Ambroso, & eius imitatore Carolo fuerunt, imitandæ. Amicitia leges si quis alius seruauit, seruauit ipse cū libere monuerit amicos, si quando illos monitione indigere animaduertit. Et religiosorum familiaritate delectatus est plurimum, eorumque consilijs saepe vtebatur. Franciscum Adornum Societatis Iesu plurimi fecit, qui cum in extremo vitæ curriculo per dies plurimos, quo tempore in Monte Varallo meditationibus se totum tradiderat Carolus, ab cuius laterem nqua discesserit: res admirandas de eximis virtutibus, quas in postrema vitæ suæ parte ostendit Carolus, narravit, & scripsit. Et Francisci Panigarola doctrina, & facundia delectabatur, illumq; in visitationibus saepe comitem habere consueuerat. Et plurimi erant, qui libentissime pastorem suum sequerentur, nullosq; labores subterfugerent, vt eius iussis etiam cum vita periculo obtemperarent. Ludouicus Mone ta clericus Mediolanensis, vir egregia fide, & præstanti pietate, Carolo in primis charus fuerat, ipso comite in itineribus vtebatur maximè. Sed inter cōplures præstates viros, quorū fideli opera in Ecclesia Mediolanensi gubernanda, & Ecclesiasticis negotijs tractandis, diu, multumq; est usus, duo in primis fuerunt.

runt non solum doctrina, religione, prudentia, sed
Episcopali etiam dignitate, quam postea consecuti
sunt in Ecclesia Dei illustres, Ioannes Baptista Ca-
stellius Bononiensis excellens Iurisconsultus, qui fa-
ctus à Gregorio XIII. Episcopus Ariminum. demum
cum eius, & Apostolicæ sedis nuntium apud Christia-
nissimum Regem ageret, magno bonorum dolore in
Gallia est mortuus. Et Cæsar Specianus, qui Romæ
Caroli nomine apud summos Pontifices res grauiſſi-
mas administravit, & anno superiore ab eodem Gre-
gorio Nouaria datus est Episcopus. Nam Petrum Ga-
lesinum egregie eruditum, & eloquètem hominem,
aliosque quam plurimos Caroli Cardinalis admini-
stros, & alumnos, commemorare longum est. Quod
lachrymis vniuersus Clerus, omnes nobiles viri, totus
q; Mediolanensis populus Caroli funus prosecutus fit,
scriperunt multi. Mæroris tot, tamq; varia signa ap-
paruerunt, ut neque verbis, neque literis exprimi pos-
se videantur. Ad eius sepulchrum, quod è regione al-
taris maioris ad primos gradus chori, sibi adificandū
sine villa pompa constituerat, innumerabiles mortales
confluxerunt, confluxisse etiam multos post dies ac-
cepimus. Et non paucos reperiemus, qui admirabiles
Caroli virtutes considerantes, contemptum rerum
humanarum cum admiranda charitate, & assiduo
cum Deo colloquio coniunctum, & cum frequenti
sanctissimæ Eucharistie vsu, & mansuetudinem exti-
mam, & maximam humilitatem, ob Angelicas vir-
tutes, quibus Carolus fuerat conspicuus, iam in cœ-
lum euolasse procero habeant. Putent etiam fore,

D s ita

ita Deo, cui arcana omnia notissima sunt, disponente,
vt Carolus aliquando Ecclesiae decreto in sanctorum
numerum adscribatur.

Et Gregorius XIII. iudicio præstansissimo, & ex-
nijs virtutibus prædictus, accepto de eius morte num-
rio, in Consistorio de excellentibus Cardinalis tanti,
qui magnum sacrosancto Collegio ornementum at-
tulerat, & pro sancta Ecclesia, proque amore Dei
labores varios pertulerat, virtutibus, sermonem
habuit, magnum, & iustum dolorem suum Car-
dinalibus exposuit. A quo Pontifice Gregorio, &
Pio V. qui in Pontificatu illum præcesserat, vnicè di-
lectus est, & testimonij varijs, tum in Consistorio,
tum in multis sermonibus fuit celebratus. Et Roma
tota, quæ virum Dei venerabatur, & vt lumen milit-
tantis Ecclesiae agnoscebat, & suspiciebat, Carolam
luxit, & lugent illum adhuc plurimi. In luctu hac
ratione se ipsos consolantes, quod in cœlestem illam
patriam ante Regem Regum Dominum Deum, cu-
i us imperio totus regitur Mundus, admissus, Chris-
tianæ Reip. cui exemplo, & laboribus consuluit, pre-
cibus assiduis prodesse non desinit, & quando eis
exemplo meliores non pauci efficiuntur, disciplinae
tiam Ecclesiastica scriptioribus suis crescit; nobis du-
bium minime esse debet, quod uberrimos laborum
suorum fructus capiet in illa sempiterna beatitudine
vir sanctus, Deo iusto iudice meritis premia cumula-
tissime reddente, quæ nemo cogitare, nendum explicata
re potest.

Eius exequias celebrauit Nicolaus Cardinalis Cre-
monensis,

monensis, qui mirifico amore Borromeum diligebat, ita ut sacrum faciens lachrymas continere saepe non potuerit, iacturam, quam fecit optimi, & egregij pastoris de patria sua optime meriti, considerans. Attigit annum quadragesimum septimum, satis longam vitam duxit, si plurimarum virtutum exempla quae reliquit consideremus; admodum breuem, si ad commoda, quae Ecclesiae Dei afferebat vita exemplo, & pluribus suis animum intendamus, ut vir Dei diutius premo sibi debito, cœlesti illa patria careret, noluit Dominus, Qui sit benedictus in secula.

Hanc de Cardinalis Borromei vita scriptio nem meam Antoni Cardinalis, Guilielmo Cardinali Sirleto, quem patrem iudicij agnoueram, & Borromei memoriam colentem valde, eiisque eximias virtutes libenter celebrantem, tradideram: suscepserat prompto animo scriptio nem legendam, considerandam, emendandam, si qua ei emendatione opus esse videretur. Cum autem pridie quam ex hac vita Sirletus migraret ad illum in lecto decubentem accessisset, late admodum vultu me aspiciens, inquit, Nihil opportunius contingere poterat mihi, quam illum, quem de sanctissimi Cardinalis Borromei vita libellum scripsisti, mihi legendum dederas, tibi meis manibus restituere. Addiderat quedam, nonnulla etiam detraxerat, quedam correxerat amanter, & prudenter, ut solitus erat. Munitum (addidit) sepulchrale fuit mihi acceptissimum: diuina prouidentia factum crediderim, ut in ultimo huius vita actu, virtutes Borromei, eius in primis

primis vita contemptus, & animi in minime formanda morte celsitudo, quem vnicē dilexi, & magna obseruantia sum prosecutus, mihi proponerentur, n̄ alacrius ad patriam illam communem nostram tenderem: faxit Deus misericordiae parens, vt ego, & n̄ aliquando in caelesti illa patria Carolum nostrum videamus, ibiq; vere in Domino coniuncti, perpetua felicitate persuamur. Ipse molliter nimium hac audiens: vix verbum proferre poteram, lachrymas eius non continui: sed quod magis reprehendendum est, hac recordans interdum adhuc lugeo. Quid hoc est? Homo in disciplina Sirleti parum exercitatus imitator malus tanti magistri, quem suspiciebam. Senex, canicie, quæ certissima aduenientis mortis, & non multum distantis nuntia est, oblitus meæ; verborum quæ apud sanctum Apostolum Paulum legeram, parum memor, contristor de dormiente quasi spem non habeam, lugeo è custodia vocatum à Domino, seruum bonum ab exilio profectum in patriam, ex huius peregrinationis fluctibus in portum deductum, ciuem beatæ Hierusalem factum frui sanctissimæ Trinitatis aspectu, & societate Angelorum. Cohibui me tamen, mi Carafa Cardinalis optime, tuo etiam exemplo, sic me ipsum alloquens: Mortuum in Domino, atque ob id beatum lugemus? cur non gaudeamus potius? sacro Collegio hic erat ornamento? de cœlo precibus suis erit subsidio. Vicario Christi seruiebat fideliter? nunc seruit Domino Dominorum, eoq; fruitur. Comoda afferebat Ecclesiæ militanti laboribus, & vigilis suis? nunc in Ecclesia triumphanti victoria, quā

de

de se ipso, & de perennibus inimicis nostris retulit (vt
equum fuerat) fructus percipit. Ne causa nostra do-
leamus nimis, ejciamus molliciem animi, gaudemus
potius migratione amici, & de vitroque nostrum, de
omnibus potius, qui eius consuetudine vsi sunt, bene-
meriti. Iusta persoluimus (vt debuumus) laudationi,
que infunere est habita interfuius. Quid restat, nisi
vt ad eandem patriam aspiremus, ad quam ipse (vt
credimus) iam peruenit: subsidia, quæ nobis est polli-
citus, precum suarum apud bonorum omnium largi-
torem Deum, in huius vita periculis tam varijs, &
magnis expectemus, memores documentorum, quæ
nobis reliquit; memoriam amici veri tanti Cardina-
lis ex animo nunquam excidere patiamur nostro. Tu
qui tanto magistro es vsus in sanctis Græcorum pa-
trum libris potissimum perlegendis, & eius consue-
tudine plurimos annos te ad maximarum virtutum,
quibus ipse præstabat, perpetuam imitationem effin-
xisti, recordatione Cardinalis Sirleti valde semper
delectaberis, ego vero, & delectabor, & illum veluti
exemplar semper habebo ante oculos. Multiplex re-
rum humanarum & diuinarum scientia, cum admi-
rabilis humilitate coniuncta. Historia Ecclesiastica &
admiranda cognitio cum perpetuo communicandi
studio. Sermo grauis, & eruditus, lepore, & charita-
te Christiana conditus. Patientia summa in miserorū
querelis audiendis: studium in subueniendo oppressis
& fiduciam. Mirum in dissimulandis, excusandis, mi-
nuendis aliorum erratis. Rerum externarum, di-
narum in primis, & inanis gloria contemptus. Leni-
tas

tas animi amabilissima. Cautio valde probanda, ne
domestici eius illi dominarentur. In consanguineo
suis minime diuitibus ditandis, digna Cardinali, &
Episcopo moderatio. Orādi studium cum gratiarum
ad Deum actione quotidianum. Hilaritas à puritate
conscientiae profecta. Hęc omnia animo infixas
meo: hęc semper libentissime commemorabo. ad tan-
tarum ipse virtutum imitationem, studia mea, cog-
itationes meas semper dirigam. Iacturam magnam,
quam anno uno collegium sacrum Cardinalium fr-
cit (vt alios omittamus) duorum in primis Cardina-
lium Borromei, & Sirleti sarcet Dominus Deus,
pietate, diligentia, industria Cardinaliū, qui
vivunt, quos sanctissimis suis donis in
dies magis ditat, & pro sua beni-
gnitate ditabit.

F I N I S.